

四庫全書

子部

欽定四庫全書

子部

御纂醫宗金鑑卷三十八

詳校官太醫院使_臣張肇基

編修_臣倉聖脈覆勘

總校官中書_臣朱 鈐

校對官監丞_臣張曾炳

謄錄監生_臣黃憲度

欽定四庫全書

御纂醫宗金鑑卷三十八

編輯傷寒心法要訣目錄

類傷寒五證

停飲

傷食

脚氣

虛煩

內癰

同傷寒十二證

冬溫

寒疫

瘟疫

溫病

熱病

風溫

溫瘧

濕溫

中暍

溫毒

欽定四庫全書

御纂醫宗金鑑卷三十八目錄

風濕 瘰癧病

易愈生證

難治死證

彙方

附河間兩解利法等

御纂醫宗金鑑卷三十八目錄

欽定四庫全書

御纂醫宗金鑑卷三十八

編輯傷寒心法要訣

類傷寒五證

停痰 傷食 脚氣 虛煩 內癰

相類傷寒有五證頭疼發熱惡風寒停痰頭項不强痛
胸滿難息氣衝咽傷食惡食身無痛痞悶失氣噫作酸
脚氣脚膝脛腫痛或為乾枯大便難虛煩微熱無表裏

內癰能食審疼緣肺癰喘欬胸引痛唾黏腥臭吐膿涎
胃癰當胃痛難近腸癰腫痛少腹堅身皮甲錯腹中急
便數似淋證中看

註類傷寒五證初病之時皆與太陽表證相類一曰

傳痰但胸滿不得息氣上衝咽頭項不强痛與傷
寒異耳一曰傷食但身無痛心下痞悶失氣噫氣
作酸吞酸與傷寒異耳一曰脚氣但病起自脚脚
膝兩脛腫痛或乾枯腫痛名曰乾脚氣大便艱難

與傷寒異耳一曰虛煩惟發熱而煩無表裏證與傷寒異耳一曰內癰其狀頗類傷寒但飲食如故有癰痛之處與傷寒異耳胸中隱痛或喘或欬吐唾腥黏是肺癰也當胃作痛手不可近是胃癰也少腹重痛便數似淋身皮甲錯是腸癰也

同傷寒十二證

冬溫 寒疫 瘟疫

春溫夏熱秋清涼冬氣冷冽令之常傷之四時皆正病

非時有氣疫為殃應冷反溫冬溫病應溫反冷寒疫傷
瘟疫長幼相傳染須識歲氣汗攻良

註

冬病傷寒春病傷風夏病暑病秋病瘧疾皆四時
正令之常病也若春應暖而反寒夏應熱而反涼
秋應涼而反熱冬應寒而反溫此非其時而有其
氣疫為殃也冬應冷反溫而病傷寒者名曰冬溫
春應溫反寒而病傷寒者名曰寒疫若一時之氣
不正長幼皆病互相傳染名曰瘟疫凡治此病須

識歲氣太過不及六淫勝復人之強弱藏之寒熱
量其輕重或汗或攻輕以劉完素之雙解散重以
李杲之二聖救苦丸隨證施治可也

溫病 熱病

冬傷於寒春病溫夏日熱病早虧陰脈浮頭疼發熱渴
不惡寒兮是所因無汗河間兩解法有汗清下早當尋
失治昏狂諸熱至無證隨經以意神

註經曰冬傷於寒春必病溫至夏為熱病熱病者皆

傷寒之類也冬傷於寒謂冬傷正令微寒未即病也早虧陰謂冬不藏精之人或辛苦之人汗出內外失其固密在冬則早已損傷腎藏陰氣陽熱獨治所以至春一感微邪即引內熱炎炎之勢不能已矣故病而即渴不惡寒也初病無汗有表證者從劉完素兩解湯治法可也有汗內熱盛者或清或攻急瀉其陽而救其陰若因循失治昏狂諸熱證至則緩不及事也無證謂表裏無證當隨六經

以意消息治之自可通神也

風溫

風溫原自感春風誤汗灼熱汗津生陰陽俱浮難出語
身重多眠息鼾鳴誤下直視失溲少被火發黃瘵癰驚
歲蕤桂枝參白虎一逆引日再命終

註冬傷於寒不即病者復感春寒名曰溫病復感春

風名曰風溫風溫有汗不可汗也若誤汗之益助
火邪則身熱如火自汗津津不止言語難出身重

多眠鼻息鼾鳴也風溫陰陽脈俱浮不可下也若
誤下之熱陷膀胱竭其津液則直視失溲小便少
也風濕熱盛若誤以火熏蒸強汗火旺津亡則發
黃色瘧癰驚癇也風溫之證不可汗下主以葦蕤
湯若脈虛汗多主以桂枝合人參白虎湯一逆引
日再命終謂一逆尚可引日若汗而又下下而又
火則為再逆是促命期也

溫瘧

溫瘧得之冬中風寒氣藏於骨髓中至春邪氣不能發
遇暑燦髓消肌形或因用力腠發泄邪汗同出故熱生
衰則氣復寒後作證同溫熱治相同

註經曰溫瘧得之冬中於風寒氣藏於骨髓之中至
春陽氣尚微邪氣不能自出因值大暑燦腦髓消
肌肉腠理發泄或有所用力邪氣與汗同出出則
陰虛而陽盛故熱生也衰則氣復入入則陽虛而
陰盛故後作寒也其證同溫熱治亦相同也

濕溫

溫復傷濕濕溫病身重胸滿及頭疼妄言多汗兩脛冷
白虎湯加蒼朮苓

註 溫病復傷於濕名曰濕溫其證則身重胸滿頭疼
妄言多汗兩脛逆冷宜白虎湯加蒼朮茯苓溫濕
兩治法也

中暍 溫毒 風濕

溫病中暍溫毒病證同溫熱熱尤尖傷濕汗出當風立

風濕發熱重疼牽

註

中暍即中暑也溫熱之病復中於暑名曰溫毒證
治同乎溫熱但熱尤盛也傷濕之病復感於風名
曰風濕其證發熱身重疼痛牽掣也治法已詳於
身痛矣中暍詳在暑門

瘧證

瘧證反張搖頭噤項強拘急轉側難身熱足寒面目赤
須審剛柔治法全

註

風濕寒之邪合而為瘧其證則背反張搖頭口噤
項強拘急轉側艱難身熱足寒面目赤色也須審
剛柔治之可瘥也風濕盛者則有汗為柔瘧風寒
盛者則無汗為剛瘧均以小續命湯主之剛瘧去
附子柔瘧去麻黃表實者去參附加羌活獨活裏
實者去參附加芒消大黃甚者則以葛根湯桂枝
加葛根湯發之此治瘧之大畧也詳在瘧門

易愈生證

神清色澤亮音聲身輕膚潤脈和洪忽然口噤難言躁
脈即停伏戰汗寧飲多消散知釀汗能食脈浮表還平
子得午解陽來濟午得子解是陰從

註易愈之病取於神則神清取於色則色澤取於聲
則音長取於體則身輕取於皮則膚潤取於脈則
和洪皆一派不死之證故曰生證也若有如是之
生證忽然口噤不語煩躁而甚六脈停伏宜謹察
之非變凶也乃邪正交爭生戰汗之候為將愈之

兆也凡傷寒渴者多陽證易愈若忽然飲多尋常
消散無停知釀汗而作解也傷寒多不能食若忽
然能食且脈浮知胃和邪還於表而作解也若不
即解者陰陽未得其時也子時得之午時必解陽
濟陰生而解也午時得之子時必解陰從陽化而
解也

難治死證

傷寒死證陽見陰大熱不止脈失神陰毒陽毒六七日

色枯聲敗死多聞心絕烟熏陽獨留神昏直視及搖頭
環口鰓黑腹滿利柔汗陰黃脾敗由肺絕脈浮而無胃
汗出如油喘不休脣脰反青肢冷汗舌卷囊縮是肝憂
面黑齒長且枯垢溲便遺失腎可愁水漿不入脈代散
呃逆不已命難留大發風溫而成瘕濕溫重暍促命終
強發少陰動經血口鼻目出厥竭名汗後狂言不食熱
脈躁陰陽交死形厥冷不及七八日膚冷而躁暫難寧
此病名之曰藏厥厥而無脈暴出凶厥而下利當不食

反能食者名除中

註

病有生死治有難易生病不藥可愈死病雖藥莫救何則以陰陽邪正有盛衰也正盛邪衰則生陰盛陽衰則死傷寒陽證見浮大數動滑之陽脈則易愈而生見沉微瀉弱弦之陰脈則難治而死故陰病見陽脈者生陽病見陰脈者死也大熱不止邪盛脈失神正虛正虛邪盛故死也陰毒陽毒亢極不生化也色枯聲敗內外兩奪也故均主死形

若烟熏神昏直視搖頭者此陽邪獨留攻心而絕也環口鰓黑腹滿下利不止柔汗陽黃者此為脾絕也鰓但浮無胃汗出如油喘息不休者此為肺絕也脣脔反青四肢冷汗舌卷囊縮此為肝絕也面黑齒長枯垢溲便遺失者此為腎絕也水漿不入生無所賴也鰓代散真氣衰散也呃逆無休元氣不藏也誤發風溫之汗因而成瘧誤發濕溫之汗名曰重暍皆促人命也強發少陰汗動其經血

從口鼻目出名曰下厥上竭以上皆死之候也汗
後狂言不食仍復發熱不為汗衰脈躁疾者名曰
陰陽交死之形也厥逆不回至七八日即通身膚
冷而躁無暫寧時者名為藏厥為陰邪盛極真陽
飛越也凡厥逆而甚者多無脈服四逆白通等湯
脈微續者真陽漸復也脈暴出者回光反照也凡
厥逆多下利當不能食今反能食名曰除中中者
胃也除者去也謂胃氣已去即反能食亦無補於

胃也故仲景曰除中者死凡諸病久不能食忽然大能食而即死者亦此類也

彙方

桂枝湯

小建中湯

當歸建中湯

黃耆建中湯

桂枝加葛根湯

桂枝新加湯

當歸四逆湯

當歸四逆加吳茱萸生薑湯

桂枝加附子湯

芍藥甘草湯

桂枝甘草湯

桂枝芍藥草薑棗加飴歸者曰建中加葛根湯加乾葛
新加倍芍加參稱當歸四逆歸通細更加吳萸薑用生

加附子湯加附子去桂去芍兩名興

註桂枝湯桂枝芍藥甘草生薑大棗也依本方倍芍藥加飴糖名小建中湯更加當歸名當歸建中湯更加黃耆名黃耆建中湯依本方加葛根名桂枝加葛根湯依本方倍芍藥加人參名桂枝新加湯依本方加當歸通草細辛名當歸四逆湯更加吳茱萸生薑名當歸四逆加吳茱萸生薑湯依本方加附子名桂枝加附子湯依本方去桂枝名芍藥

甘草湯依本方去芍藥名桂枝甘草湯

桂枝去芍藥加茯苓白朮湯

苓桂朮甘湯

茯苓甘草湯

茯苓桂枝甘草大棗湯

桂枝去芍加苓朮桂朮甘去棗薑茯苓甘草生薑桂
加棗除薑大棗湯

註 桂枝去芍藥加茯苓白朮湯即桂枝甘草生薑大

棗茯苓白朮也依本方減去大棗生薑即苓桂朮
甘湯也茯苓甘草湯即茯苓甘草桂枝生薑也依
本方加大棗減生薑即茯苓桂枝甘草大棗湯也
葛根湯

桂枝麻黃各半湯

桂枝二麻黃一湯

桂枝二越婢一湯

葛根桂枝加麻葛合麻桂麻各半湯桂二麻一麻減半

桂二越一桂倍方

註葛根湯即桂枝湯加麻黃葛根也桂枝麻黃各半

湯即桂枝湯麻黃湯二方合劑也桂枝二麻黃一

湯即桂枝湯合減一半麻黃湯也桂枝二越婢一

湯即越婢湯合加一倍桂枝湯也

麻黃湯

大青龍湯

越婢湯

越婢加附子湯

越婢加半夏湯

麻黃麻桂甘草杏加膏薑棗大青龍越婢大青減桂杏
加附加半夏風水清

註
麻黃湯麻黃桂枝甘草杏仁也依本方加石膏生
薑大棗名大青龍湯依大青龍湯減桂枝杏仁名
越婢湯治風水病之肌熱者若陽虛惡寒加附子
名越婢加附子湯喘欬上氣加半夏名越婢加半

夏湯當清別而施治也

麻黃加朮湯

三拗湯

麻杏石甘湯

麻黃加朮風濕痛三拗去桂喘寒風加膏麻杏石甘劑
外寒內熱喘收功

註麻黃加朮湯即麻黃湯加白朮也治風濕在表身
痛麻黃湯去桂枝名三拗湯治風寒表實而喘三

拗湯加石膏名麻杏石甘湯治內熱表寒無汗而喘

麻黃附子細辛湯

麻黃附子甘草湯

麻黃附子細辛湯減辛加草甘草方兩感太陽少陰證能發表水裏寒涼

註

麻黃附子細辛湯即此三味也去細辛加甘草名麻黃附子甘草湯不但能發兩感太陽少陰表熱

裏寒之證且能發太陽少陰表水裏寒之腫也

小青龍湯

附子湯

真武湯

桂芍乾薑辛半味麻黃甘草小青龍附子朮附參苓芍
真武無參有薑生

註 小青龍湯桂枝芍芍乾薑細辛半夏五味子麻黃

甘草也附子湯白朮附子人參茯苓白芍也真武

湯即附子湯除去人參加生薑也

乾薑附子湯

白通湯

白通加人尿豬膽汁湯

四逆湯

通脈四逆湯

茯苓四逆湯

理中湯

桂枝人參湯

附子理中湯

治中湯

薑附加葱白通劑更加尿膽治格陽加草四逆葱通脈
加參茯苓四逆方理中參朮乾薑草加桂桂枝人參湯
加附名曰附子理中加入青陳治中湯

註
乾薑附子名曰乾薑附子湯依本方加葱名曰白
通湯更加人尿豬膽汁名曰白通加入人尿豬膽汁湯

依本方加甘草名四逆湯更加葱白名通脈四逆湯依四逆湯方加人參茯苓名茯苓四逆湯溫中利水人參白朮乾薑甘草名理中湯依理中湯方加桂枝名桂枝人參湯依理中湯方加附子名附子理中湯依理中湯方加青皮陳皮名治中湯溫中理氣

五苓散

春澤湯

五苓甘露飲

蒼附五苓散

茵陳五苓散

胃苓湯

五苓停水尿不利內蓄膀胱外太陽二苓澤朮桂分用
虛渴加參春澤湯甘露寒水膏滑入蒼附內寒附子蒼
茵陳發黃小便澁食瀉合胃胃苓方

註五苓散即茯苓豬苓澤瀉白朮桂枝也治水停小

便不利少腹滿則為內蓄膀胱若不兼太陽頭痛惡寒發熱自汗之表則不用桂枝而用肉桂故曰桂分用也治諸虛飲渴加人參名春澤湯治水停內熱加寒水石滑石石膏名五苓甘露飲治水停內寒加附子蒼朮名蒼附五苓散治內瘀濕熱小便不利發黃加茵陳名茵陳五苓散治停水傷食泄瀉合平胃散名胃苓湯

梔子豉湯

梔子甘草豉湯

梔子生薑豉湯

枳實梔子豉湯

枳實梔子豉加大黃湯

梔子乾薑湯

梔子厚朴湯

梔豉加草加生薑枳實梔豉加大黃去豉梔子乾薑入

枳朴梔子厚朴湯

註

梔子淡豆豉名梔子豉湯加甘草名梔子甘草豉
湯加生薑名梔子生薑豉湯加枳實名枳實梔子
豉湯依枳實梔子豉方加大黃名枳實梔子豉加
大黃湯去豉加乾薑名梔子乾薑湯去豉加枳實
厚朴名梔子厚朴湯

麻黃連翹赤小豆湯

梔子蘘皮湯

茵陳蒿湯

麻黃連翹赤小豆梓皮杏草棗生薑梔子藥皮茵陳草
茵陳蒿湯茵梔黃

註

麻黃連翹赤小豆湯即麻黃連翹赤小豆生梓皮
皮杏仁甘草大棗生薑也如無梓皮以茵陳代之
梔子藥皮湯即梔子黃藥甘草也此方當有茵陳
茵陳蒿湯即茵陳梔子大黃也

大黃黃連瀉心湯

附子瀉心湯

甘草瀉心湯

半夏瀉心湯

生薑瀉心湯

旋覆代赭石湯

大黃黃連瀉心浸附子煮汁大連苓甘草苓連乾半棗
半夏同上更加參生薑瀉心生薑入覆赭薑棗半甘參

註大黃黃連瀉心湯即大黃黃連滾湯浸而服也附

子謂附子瀉心湯也附子煎汁大黃黃連黃苓浸

而對服甘草瀉心湯即甘草黃芩黃連乾薑半夏
大棗也半夏瀉心湯即同上方加人參也生薑瀉
心湯即半夏瀉心方再加生薑也旋覆代赭石湯
即旋覆花代赭石甘草半夏大棗生薑人參也

十棗湯

白散方

調胃承氣湯

大陷胸湯

大陷胸丸

小陷胸湯

十棗朮花甘遂戟白散桔貝巴霜俱調胃大黃芒消草
大陷去草入遂須為丸更加杏葶蜜小陷連半桔萸實

註

十棗湯即十枚大棗朮花甘遂大戟也白散即桔
梗貝母巴豆霜也調胃承氣湯即大黃芒消甘草
也大陷胸湯即調胃承氣湯去甘草加甘遂些須
也大陷胸丸即大陷胸湯加杏仁苦葶薤子蜜也

小陷胸湯即黃連半夏枯蘘實也

小承氣湯

大承氣湯

麻仁丸

桃仁承氣湯

抵當湯丸

三一承氣湯

黃龍湯

小承大黃同枳朴加消即是大承方麻仁小承麻杏芍
桃仁調胃桂枝長抵當湯九分微甚俱用桃黃水蛭蟲
三承合一名三一加參歸桔黃龍湯

註小承氣湯即大黃枳實厚朴也依本方加芒消即

大承氣湯麻仁九即小承氣湯方加麻仁杏仁芍
藥也桃仁承氣湯即調胃承氣湯加桃仁桂枝也
抵當湯九分病之微甚俱用桃仁大黃水蛭蟲蟲
四味也三承謂大承氣小承氣調胃承氣三方合

為一方名曰三一承氣湯依三一承氣方再加人參當歸桔梗名曰黃龍湯

小柴胡湯

大柴胡湯

柴胡加芒消湯

柴胡桂枝湯

小柴苓半人參草大柴苓半枳芍黃小柴胡加芒消入合桂柴胡桂枝湯

註

小柴胡湯即柴胡黃芩半夏人參甘草也大柴胡湯柴胡黃芩半夏枳實芍藥大黃也柴胡加芒消湯即小柴胡湯方加芒消也柴胡桂枝湯即桂枝湯小柴胡湯二方合為一方也

豬苓湯

白虎湯

竹葉石膏湯

豬苓二苓膠滑澤白虎膏知甘草粳竹葉石膏除知母

加參半竹麥門冬

註

豬苓湯即豬苓茯苓阿膠滑石澤瀉也白虎湯即石膏知母甘草粳米也竹葉石膏湯即白虎湯除知母加人參竹葉半夏麥門冬也

炙甘草湯

汗下煩悸小建治水悸茯苓甘草君虛悸肺痿炙甘草地阿桂酒麥酸參

註汗下後虛煩而悸宜小建中湯治之心下悸若飲

水多小便少謂之水悸宜茯苓甘草湯若因汗下後謂之虛悸宜炙甘草湯即炙草生地阿膠桂枝麥冬酸棗仁人參生薑大棗酒煎也肺痿用麻仁可也

桃花湯

赤石脂禹餘糧湯

黃芩湯

白頭翁湯

桃花乾薑石脂糯米石脂禹糧固脫功黃芩甘草芍大棗
連藥秦皮白頭翁

註 桃花湯即乾薑赤石脂糯米也赤石脂禹餘糧湯
即此二味也黃芩湯即黃芩甘草芍大棗也白
頭翁湯即黃連黃芩秦皮白頭翁也

葛根黃連黃芩湯

乾薑黃連黃芩湯

黃連湯

黃連阿膠湯

葛根連芩湯甘草乾薑連芩湯人參連參桂草乾半棗
連膠芩芍卵黃新

註

葛根黃連黃芩湯即此三味加甘草也乾薑黃連
黃芩湯即此三味加人參也黃連湯即黃連人參
桂枝甘草乾薑半夏大棗也黃連阿膠湯即黃連
阿膠黃芩芍芍雞子黃也

四逆散

吳茱萸湯

烏梅丸

柴芍枳草四逆散人參薑棗吳茱萸烏梅人參歸連藥細
椒薑桂附苦酒需

註 四逆散即柴胡白芍枳實甘草也吳茱萸湯即人

參生薑大棗吳茱萸也烏梅丸即烏梅人參當歸
黃連黃蘗細辛川椒乾薑桂枝附子為末苦酒為
丸也

傷寒附法

傷寒傳變大法已詳傷寒論註及心法要訣中矣
然近世治四時傷寒者咸用河間兩解等法每多
神效誠治斯證之捷法也今復採雙解散防風通
聖散諸經驗名方編為歌訣附於心法之後俾後
之學者知所變通庶幾於傷寒一證經權常變有
所遵循而無遺法云

雙解散完素解利初法

雙解通聖合六一四時溫熱正傷寒兩許為劑葱薑豉
汗下兼行表裏宣強者加倍弱減半不解連進自然安
若因汗少麻倍入便鞭消黃加倍添

註名曰雙解散者以其能發表攻裏即防風通聖散

六一散二方合劑也河間制此解利四時冬溫春
溫夏熱秋熱正令傷寒凡邪在三陽表裏不解者
以兩許為劑加葱薑淡豆豉煎服之候汗下兼行
表裏即解形氣強者兩半為劑形氣弱者五錢為

劑若初服因汗少不解則為表實倍加麻黃以汗之因便鞭不解則為裏實倍加消黃以下之連進二三服必令汗出下利而解也今人不知其妙以河間過用寒涼仲景傷寒初無下法棄而不用深可惜也不知其法神捷莫不應手取效從無寒中痞結之變即有一二不解者非未盡法之善則必已傳陽明故不解也防風通聖散詳在後

河間解利後法

汗下已通仍不解皆因不徹已傳經內熱煩渴甘露飲甚用白虎解毒清有表熱煩柴葛解表實大熱三黃寧裏熱尿赤涼天水胃實不便大柴承

註服雙解散汗下已通而仍不解者皆因汗之不徹或已傳經治之不及也若表已解而裏有微熱煩渴者用桂苓甘露飲以和太陽之裏若內熱太甚大熱大煩大渴者用白虎湯合黃連解毒湯以清陽明之裏若表未解又傳陽明身熱而煩用柴葛

解肌湯以解兩陽之邪若表實無汗大熱而煩用
三黃石膏湯以清表裏之熱若裏有熱尿赤而澀
者用涼膈散合天水散以清利之若胃實潮熱不
大便有微表者用大柴胡湯下之無表者三承氣
湯下之桂苓甘露飲白虎湯大柴胡湯三承氣湯
已詳傷寒要訣六一散涼膈散詳在雜病要訣

防風通聖散

防風通聖治風熱鬱在三焦表裏中氣血不宜經絡壅

梔翹苓薄草歸芍消黃芩木膏滑石麻黃桔梗共防荆
利減消黃嘔薑半自汗麻去桂枝增

註
此方治一切風火之邪鬱於三焦表裏經絡氣血
不得宣通初感發熱頭痛膚疹傳經斑黃抽搐煩
渴不眠便秘尿澀皆可服之功效甚奇用之自知
其妙也

柴葛解肌湯

四時合病在三陽柴葛解肌柴葛羌白芷桔苓膏芍草

利減石膏嘔半薑

註此方陶華所製以代葛根湯凡四時太陽陽明少陽合病輕證均宜以此湯增減治之增減者謂如無太陽證者減羌活無少陽證者減柴胡也即柴胡葛根羌活白芷桔梗赤芍石膏黃芩甘草也下利減石膏以避裏虛也嘔加半夏生薑以降裏逆也

黃連解毒湯

梔子金花湯

三黃石膏湯

陽毒熱極疹斑嘔煩渴呻吟譫語狂下後便軟熱不已連芩梔藥解毒湯裏實便鞭當攻下梔子金花加大黃表實膏麻葱豆豉下利除膏入葛良

註陽毒熱極等證或下後便軟壯熱不已宜黃連解

毒湯即黃連黃芩黃蘗梔子也若裏實便鞭當攻下者宜加大黃名梔子金花湯若表實無汗當發

汗者宜加石膏麻黃淡豆豉葱白名三黃石膏湯
下利者減石膏加葛根避裏不實也

消毒犀角飲

消毒犀角表疹斑毒壅咽喉腫痛難犀角牛蒡荊防草
熱盛加薄荷連

註消毒犀角飲即消毒飲之防風荊芥牛蒡子甘草

加犀角也熱盛加連翹薄荷黃芩黃連也

消斑青黛飲

消斑青黛消斑毒參虎柴犀地元黃連熱實減參去
苦酒加入大黃煎

註
消斑青黛飲即青黛參虎謂人參白虎湯即人參
石膏知母甘草柴胡犀角山梔生地元參黃連用
苦酒與水煎也熱甚便實者減去人參加大黃可
也

普濟消毒飲

普濟大頭天行病無裏邪熱客高巔岑連薄翹柴升桔

醫草陳勃芳藍元

註 普濟消毒飲治天行傳染大頭瘟疫無裏可下者
是其邪熱客於高巔即黃芩黃連薄荷連翹柴胡
升麻桔梗僵蠶甘草陳皮馬勃牛蒡子板藍根元
參也

連翹敗毒散

連翹敗毒散發頤高腫焮紅痛可除花粉連翹柴胡
荊防升草桔槩獨紅花蘇木芎歸尾腫面還加芷漏蘆

腫堅皂刺穿山甲便燥應添大黃疏

註連翹敗毒散治時毒發頤高腫焮紅疼痛之陽證也即連翹天花粉柴胡牛蒡子荊芥防風升麻甘草桔梗羌活獨活紅花蘇木川芎歸尾兩頤連面皆腫加白芷漏蘆腫堅不消加皂刺穿山甲大便秘結加酒炒大黃

都氣湯

橘皮竹茹湯

呃逆腎虛都氣湯六味肉桂五味方橘皮竹茹虛熱主
橘竹參草棗生薑

註都氣湯即六味地黃湯加肉桂五味子也橘皮竹
茹湯即橘紅竹茹人參甘草大棗生薑也

歲時湯

風溫浮盛歲時湯羌麻葛芷青木香芍草石膏歲時杏
裏實熱甚入消黃

註風溫初起六脈浮盛表實壯熱汗少者宜歲時湯

以發表風邪也即羌活麻黃葛根白芷青木香川
芎甘草石膏葳蕤杏仁也裏實熱甚多汗者加芒
消大黃以攻裏熱也

桂枝白虎湯

風溫虛熱汗出多難任葳蕤可奈何須是鼾睡而燥渴
方宜桂枝虎參合

註風溫初起脈浮有力汗少壯熱宜與葳蕤湯若脈
虛身熱汗多難用葳蕤湯者合與桂枝白虎加人

參湯如不斂腫口中和而不燥不渴身熱汗多衄
浮盛者乃亡陽之證非風溫也即桂枝白虎加人
參湯亦不可用也

瀉心導赤各半湯

越經無證如醉熱衄和導赤各半湯芩連梔子神參麥
知滑犀草棗燈蘖

註越經病名也無證謂無表裏證也無表裏證衄和
而身熱不解形如醉人者是越經證也宜瀉心導

赤各半湯治之即黃連黃芩梔子茯苓人參麥冬
知母滑石犀角甘草燈心生薑大棗也

大羌活湯

兩感傷寒病二經大羌活湯草川芎二防二朮二活細
生地苓連知母同

註兩感傷寒病名也二經謂一曰太陽少陰二曰陽
明太陰三曰少陽厥陰同病也張潔古製大羌活
湯治之即甘草川芎防風防己蒼朮白朮羌活獨

活細辛生地黃芩黃連知母也詳在傷寒要訣

還陽散

退陰散

黑奴丸

陰毒還陽硫黃末退陰炮烏乾薑均陽毒黑奴小麥痘
芩麻消黃金龜麝

註 還陽散即石硫黃末每服二錢新汲水調下良久

寒熱汗不出再服之汗出愈退陰散即炮變色川

烏微炒乾薑等分為末每服一錢鹽湯滾數沸服
四肢不溫連服三次即溫熱服若吐冷服亦可黑
奴丸即小麥成黑疸者名曰小麥奴黃芩麻黃芒
消大黃釜底煤竈突烟梁上塵也為末蜜丸重四
錢新汲水下服後若渴欲飲冷水者令恣意飲之
須臾自當寒振汗出腹響微利而解也若不渴者
恐是陰極似陽服之反為害耳

九味羌活湯

九味羌活即冲和四時不正氣為疴潔古製此代麻桂
羌防蒼細芷芎合生地草苓喘加杏無汗加麻有桂多
胸滿去地加枳桔煩渴知膏熱自瘥

註此湯即冲和湯張潔古製此以代麻黃桂枝二湯
即羌活防風蒼朮細辛白芷川芎生地甘草黃芩
也喘加杏仁無汗加麻黃有汗加桂枝胸膈滿悶
去生地加枳殼桔梗快膈氣也煩渴引飲加知母
石膏熱自瘥也

十神湯

十神外感寒氣病功在溫經利氣殊升葛芍麻甘草芍
薑蔥香附芷陳蘇

註此湯即升麻葛根川芍麻黃甘草芍藥香附白芷
陳皮蘇葉生薑蔥白也能外發寒邪內舒鬱氣故
曰寒氣病較之他劑有溫經利氣之功殊也

人參敗毒散

荆防敗毒散

倉廩散

人參敗毒虛感冒發散時毒疹痢良參苓枳桔芎草共
柴前薄荷與獨羗時毒減參加翹芩血風時疹入荆防
表熱噤痢加倉米溫熱苓連實消黃

註

人參敗毒散治氣虛感冒時氣之病即枳殼桔梗
川芎茯苓人參甘草柴胡前胡薄荷獨活羗活也
時毒謂受四時不正之氣或腫兩腮兩頤或咽喉
腫痛依本方減人參加牛蒡連翹治之時疹謂初

病即有之疹血風謂遍身騷癢之疹俱依本方減
人參加荊芥防風治之名荊防敗毒散表熱無汗
噤口痢疾依本方加倉米治之名倉廩散溫病熱
病熱甚俱加黃連黃芩胃實便艱俱加芒消大黃
也

五積散

內傷生冷外感寒五積平胃半苓攢麻桂枳桔歸芎芍
薑芷加附逐陰寒腹痛嘔逆吳萸入有汗除麻桂枝添

虛加參朮除枳桔婦人經痛艾醋煎

註五積散即蒼朮陳皮厚朴甘草半夏茯苓麻黃官

桂枳殼桔梗當歸川芎白芍乾薑白芷也表重用
桂枝裏重用官桂陰寒肢冷加附子腹痛嘔逆加
吳茱萸有汗除去麻黃加桂枝氣虛加人參白朮
除去枳桔婦人經痛加艾葉醋煎服之

升麻葛根湯

升葛芍草表陽明下利斑疹兩收功麻黃太陽無汗入

柴芩同病少陽經

註升麻葛根白芍甘草即升麻葛根湯也陽明表邪不解或數下利及斑疹不透者均宜主之若兼太陽陽無汗之表證入麻黃若兼少陽口苦耳聾寒熱往來半表裏之證加柴胡黃芩也

二聖救苦丹

初起時疫溫熱病救苦汗吐下俱全熱實百發而百中大黃皂角水為丸

註此丹即大黃四兩皂角二兩為末水為丸也每服
三錢無根水下弱者老者幼者量減服之此藥施
治於初起時疫傳染傷寒溫病熱病熱盛形氣俱
實者百發百中服後或汗或吐或下三法俱全其
病立解

溫膽湯

傷寒病後液津乾虛煩嘔渴不成眠乃是竹葉石膏證
膽經飲熱此方先口苦嘔涎煩驚悸半苓橘草枳竹煎

氣虛加參渴去半再加麥粉熱苓連

註傷寒病後燥渴虛煩乃竹葉石膏湯證非溫膽湯
證詳在傷寒要訣若少陽膽經飲熱則口苦嘔煩
驚悸是溫膽湯證也即半夏茯苓橘皮甘草枳實
竹茹也形氣俱虛或因汗吐下後及氣虛者均加
人參渴去半夏加麥冬花粉以生津也有熱加黃
芩黃連以清熱也

御纂醫宗金鑑卷三十八

欽定四庫全書

子部

御纂醫宗金鑑卷三十九

詳校官太醫院院使_臣張肇基

編修_臣倉聖脉覆勘

總校官中書_臣朱鈐

校對官監丞_臣張曾炳

謄錄監生_臣黃憲度

欽定四庫全書

御纂醫宗金鑑卷三十九

編輯雜病心法要訣目錄

真中風

類中風

傷風

瘧病

痺證

痿證

脚氣

御纂醫宗金鑑卷三十九目錄

欽定四庫全書

御纂醫宗金鑑卷三十九

編輯雜病心法要訣

中風總括

風從外中傷肢體痰火內發病心官體傷不仁與不用
心病神昏不語言當分中絡經府藏更審虛實寒熱痰
脫證撒手為脾絕開口眼合是心肝遺尿管腎絕鼾聲肺
閉證握固緊牙關初以通關先取嚏痰壅不下吐為先

註

風謂虛邪賊風從外而中傷人四肢軀體故名曰
中風痰火謂痰火從內而發病人心主之官故名
曰痰火體中風邪輕則頑麻不仁重則癱瘓不用
心病痰火輕則舌強難語重則痰壅神昏此證或
內或外單病輕兼病重當細辨其中絡中經中府
中藏及中經絡兼中府藏併細審其兼虛兼實兼
寒兼熱兼痰與夫脫證閉證之淺深緩急而治之
凡初中宜先用通關散取嚏有嚏可治無嚏多死

口噤者用開關散擦牙軟之痰涎壅盛用諸吐法
涌之若口噤不開湯藥不能下咽者則將應服之
藥隨引調如麪茶含在不病人口內用葦管或筆
管插入病人鼻孔使氣連藥吹之其藥自能入咽
不可用金器撻之恐傷齒也

按

中風一證分中血脈中府中藏始自李東垣中血
脈者大秦芫湯中府者小續命湯中藏者三化湯
然從未見有三化湯中藏之證惟金匱書中分為

四證曰絡曰經曰府曰藏其說最為的當可為後
世法蓋口眼喎斜肌膚不仁邪在絡也左右不遂
筋骨不用邪在經也昏不識人便溺阻隔邪在府
也神昏不語脣緩涎出邪在藏也學者細閱諸家
之論自知不謬云爾

中風死候

寸口脈平卒中死生氣獨絕暴脫之五藏幾息呼吸泯
譬如墮溺豈能期脈來一息七八至不大不小尚能醫

大小浮晝沉夜死。鯀絕不至死。何疑脫證。並見皆死候。搖頭上竄氣長。噓喘汗如油。痰拽鋸肉脫筋痛。髮枯直。

註

寸口鯀平。謂寸關尺鯀俱平之人。忽然卒中而死。者皆因中邪太甚。閉塞九竅。天真之氣不能與人。之生氣相通。則獨絕於內也。譬如墮跌溺水。豈能預期其死耶。鯀來一息七八至者。不大不小。雖因可治。若大而無倫。小而如纖。浮主晝死。沉主夜死。不可治也。五藏脫證。若三藏四藏並見。及搖頭上。

竄等證皆死候也

通關散

開關散

熏鼻法

解語法

通關星皂細荷半開關烏梅冰片南巴油紙皂烟熏鼻
竄尿管下點難言

註通關散南星皂角細辛薄荷生半夏為末吹鼻有

噤可治開關散烏梅肉冰片生南星為末擦牙其
噤可開巴豆油紙捲皂角末燒烟熏入鼻內人事
自省取龜尿點在舌下言語自易

三聖散

瓜蒂散

全蠍散

五元散

巴礬丸

無汗吐宜防藜蒂有汗瓜蒂入蠅全重劑藜豆礬皂膽
痰壅吐以巴礬丸

註
痰涎壅盛無汗表實用三聖散即防風藜蘆瓜蒂
吐之有汗裏實用瓜蒂散即瓜蒂赤小豆或用全
蠅散即瓜蒂散加全蠅吐之此皆吐之輕劑也甚
則用五元散乃藜蘆赤小豆白礬皂角膽礬巴礬
丸即巴豆枯白礬吐之

烏藥順氣散

烏藥順氣實中絡喎斜頑麻風注疼麻黃枳桔烏蠶共
白芷乾薑陳草芎

註
實中絡謂風邪中絡之人形氣實者也喎斜口眼
歪斜也頑麻肌膚麻木也風注疼風氣攻注骨節
疼也是方麻黃枳殼桔梗烏藥殭蠶白芷陳皮乾
薑甘草川芎也

大秦朮湯

大秦朮湯虛中絡喎斜偏廢減參珍秦先生地石膏共

羌獨防芷細辛芩

註

虛中絡謂風邪中絡之人形氣虛者也偏廢謂半身不遂也減參珍謂八珍湯減去人參加入秦艽生地石膏羌活獨活白芷防風細辛黃芩也偏廢是中經之證而亦可治之者以此方能養血榮筋為久病風人調理之劑

換骨丹

中經氣實宜換骨啗斜癱瘓芷芎防冰麝硃香槐苦味

仙人麻苒蔓蒼桑

註

中經氣實謂風邪中經之人形氣實也癰左不用也癰右不用也換骨丹白芷川芎防風水片麝香硃砂木香槐角苦參五味子威靈仙人參麻黃膏何首烏蔓荊子蒼朮桑皮也麻黃膏者以麻黃熬成膏和煎藥為丸硃砂滾衣也

小續命湯

小續命湯虛經絡八風五痺總能全麻杏桂芍通榮衛

參草歸芍氣血宣風淫防風濕淫已黃芩熱淫附子寒
春夏石膏知母入秋冬桂附倍加添

註 虛經絡謂風邪中經中絡之人形氣虛也八風謂
八方之邪風中人為病也五痺詳見痺門要訣中
黃耆五物湯

黃耆五物虛經絡偏廢虛風無力癱心清語蹇因舌軟
舌強神濁是火痰補衛黃耆起不用益榮芍桂棗薑煎
左加當歸下牛膝筋爪骨虎附經添

註

黃耆五物湯治因虛召風中人經絡而病半身不遂者然審其人若舌強難言神氣不清則是痰火為病不宜此方若心清語蹇舌軟無力難言者乃是榮衛不足之病宜用此方經曰衛虛則不用榮虛則不仁此方君黃耆而補衛以起不用臣桂枝白芍而益榮以治不仁佐生薑大棗以和榮衛也不仁不用在右者屬氣宜倍加黃耆在左者屬血則加當歸在下兩腿兩膝軟者則加牛膝骨軟不

能久立者則加虎骨筋軟難於屈伸者則加木瓜
周身或左或右經絡不宣通者則加炮附子有寒
者亦加之此方屢試屢効者其功力專於補外所
以不用人參補內甘草補中也

三化湯

搜風順氣丸

三化氣實風中府昏冒閉滿小承氣形氣俱虛及風燥
搜風順氣自然康

註
氣實風中府謂風邪中府之人形氣實也昏冒謂
神昏不知人也閉滿謂二便阻隔腹滿脹也小承
羌謂小承氣湯厚朴枳實大黃加羌活即三化湯
也若其人形氣俱虛則當以搜風順氣丸緩緩治
之自然康也久病風之人大便多結燥謂之風燥
或用續命湯汗過三化湯下過津液枯乾以致結
燥凡病不論中經絡藏府但有二便阻隔形氣不
足難堪攻下者均宜此法以搜六府之風通腸胃

中之氣二便自利矣

牛黃清心丸

牛黃清心實中藏痰壅神昏不語言口眼喎斜形氣盛
兩手握固緊牙關

註

牛黃清心丸治風邪中藏之人形氣俱實其證痰
涎壅塞神昏不能言語口眼喎斜形氣滿盛兩手
握固牙關緊急之閉證皆可服之

參附湯

參附湯治虛中藏脣緩涎出不語言昏不知人身偏廢
五脫證見倍參煎

註
參附湯即人參附子也治風邪中藏之人形氣俱
虛其證脣緩不收痰涎流出神昏不語身肢偏廢
或與五藏脫證並見宜大倍人參先固虛脫次治
風邪可也

千金還魂湯

經絡閉證卒中惡氣促神昏不識人無汗拘急身偏痛

肉桂麻草杏還魂

註 經絡閉證謂風邪中經絡之閉證也氣促謂氣粗盛也無汗四肢拘急身體偏痛乃表邪固閉宜用肉桂麻黃甘草杏仁即還魂湯以開之

奪命散

藏府閉證腹滿閉昏噤痰結在喉間危急湯藥不能下奪命巴芷半蒴南

註 藏府閉證謂風邪中藏府之閉證也腹滿閉謂腹

滿二便閉也兼之神昏口噤不開結痰喉間不下
宜用是方吐下之巴豆白芷半夏葶生南星也
三生飲

三生飲治中風寒厥逆沉伏涌氣痰星香烏附俱生用
氣虛加參脫倍添

註
中風寒謂不論經絡藏府風邪中藏寒之人也厥
逆謂四肢冷也沉伏謂六脈沉伏也是方生南星
生川烏生附子木香也惟寒盛氣實者宜之若氣

虛者加人參虛極將脫者大倍人參始可用之而無倒戈之害也

祛風至寶湯

祛風至寶中風熱浮數面赤熱而煩通聖加蠅天麻細白附羌獨連藥蠶

註

中風熱謂不論經絡藏府風邪中府熱之人也浮數謂六脈浮數也熱而煩謂身熱心煩也通聖謂防風通聖散方中加全蠅天麻細辛白附羌活獨

活黃蘗黃連殭蠶也防風通聖散詳在傷寒門

青州白九子

青州白九中風痰鳴斜癱痰湧痰涎小兒驚痰為妙藥
白附烏星半夏丸

註中風痰謂不論經絡藏府風邪中表有痰飲之人
也湧痰涎謂痰涎湧盛也是方生白附子生川烏
生南星生半夏法製為丸也

羌活愈風湯

羌活愈風治外中手足無力語出難肌肉微掣不仁用
大秦朮湯參再添官桂黃耆杜防已知枳柴荷蔓菊前
蒼麻半朴杞地骨調理諸風症可安

註

治外中謂風從外中之病也此病之來必有先兆
如手足無力語言蹇澁時有肌肉微動牽掣大指
次指麻木不用皆風邪外中之先兆也宜用此湯
大秦朮湯參再添謂大秦朮湯方中再添人參官
桂黃耆杜仲防已知母枳殼柴胡薄荷蔓荊子菊

花前胡蒼朮麻黃半夏厚朴枸杞地骨皮也調理
諸風更可燃謂凡中風內邪將除外邪漸盡更服
此藥調理以行導諸經久則大風悉去清濁自分
榮衛自和矣

清熱化痰湯

清熱化痰治內發神短忽忽語失常頭眩脚軟六君麥
苓連葛枳竹星香

註
治內發謂痰火內發之病也此病之來必有先兆

如神短忽忽言語失常上盛下虛頭眩脚軟皆痰
火內發之先兆也宜用此湯即人參白朮茯苓甘
草橘紅半夏麥冬黃芩黃連石菖蒲枳實竹茹南
星木香也

地黃飲子

四肢不收無痛痺偏枯身偏不用疼其言不變志不亂
邪在分腠五物能甚不能言為瘖痺奪厥入藏病多凶
地黃桂附苓巴遠萸斛冬味薄菖苓

註風痺偏枯瘖痺三病皆屬外中而有微甚淺深之別也風痺謂四肢不收身無痛處偏枯謂半身不遂身有痛處其言不變志不亂乃邪微淺病在分腠榮衛之間以黃耆五物湯能補榮衛而散風邪也甚者不能言志亂神昏則為瘖痺乃腎虛內奪少陰不至而厥其邪已入於藏故曰病多凶也地黃飲子是治腎虛內奪之方是方熟地肉桂附子肉蓯蓉巴戟遠志山萸石斛麥冬五味子薄荷葛

蒲茯苓也

滌痰湯

滌痰內發迷心竅舌強難言參蒲星溫膽熱盛芩連入
神昏便閉滾痰攻

註內發謂痰火內發迷人心竅令人精神恍惚舌強
難言也滌痰湯即人參菖蒲南星合溫膽湯也溫
膽湯橘紅半夏茯苓甘草竹茹枳實也熱盛加黃
芩黃連大小二便閉用礞石滾痰丸攻之可也

類中風總括

類中類乎中風證尸厥中虛氣食寒火濕暑惡皆昏厥
辨在喁斜偏廢間

註
類中風證皆名尸厥謂形厥而氣不厥也故口鼻
無氣狀類死尸而脈自動也中虛中氣中食中寒
中火中濕中暑中惡等證雖忽然昏倒人事不省
類乎真中風病但不見口眼喁斜偏廢不仁不用
等證自可辨也

獨參湯

參附湯

星香湯

三物備急丹

奪命散

尸厥無氣而脈動或脈微細有無間緣於病後氣血竭
人參參附星香痰氣閉腹滿二便閉或腹急痛備急丹
服後轉鳴吐下驗喉間痰結奪命先

註

尸厥之證有虛有實虛者以獨參湯虛兼寒者以參附湯虛兼痰者以星香飲加人參湯實者氣閉似死脈動有力腹滿脹二便閉或腹急痛氣閉前後不通者以備急丹實兼痰者以奪命散

補中益氣湯

生脈補精湯

補中益氣療虛中煩勞過度氣不升虛冒有痰加苓半
慾冒生麥地歸茸

註補中益氣湯治虛中之證即李杲所云內傷氣虛
之人煩勞過度清氣不升忽然昏冒也慾冒謂因
房勞過度昏冒也生脈飲即人參麥冬五味子合
熟地當歸鹿茸名曰生脈補精也

木香調氣飲

木香調氣實氣中暴怒氣逆噤昏痰風浮肢溫氣沉冷
木藿砂蔻草丁檀

註實氣中謂形氣俱實之人中氣也因暴怒氣逆忽

然昏倒噤急也風浮肢溫氣沉冷謂中風之人鯁
浮手足溫中氣之人鯁沉手足冷可別也是方木
香藿香砂仁白菝甘草丁香檀香也

八味順氣散

八味順氣虛氣中標本兼施邪正安參苓朮草扶元氣
烏芷青陳利氣痰

註
虛氣中謂形氣俱虛之人中氣也宜用此標本兼

施邪正相安之劑也

瓜蒂散

薑鹽湯

食中過飽感寒風或因怒惱塞胸中忽然昏厥肢不舉
瓜蒂薑鹽探吐平

註

瓜蒂散挾痰者用之薑湯挾寒者用之鹽湯過食
者用之探吐謂作此湯數鍾令病者飲一鍾隨用
指探吐不吐再飲再探以吐通快為度可立愈也
附子理中湯

附子理中療寒中腹痛拘急噤牙關有汗身寒或吐瀉
附子參朮草薑乾無汗身寒加麻細陰毒川烏用生煎
嘔吐丁香吳茱萸入赭微欲絕倍參添

註寒中之證即腹痛諸證者是也宜用附子理中湯
若無汗加麻黃細辛陰毒加生川烏嘔吐加丁香
吳茱萸赭微欲絕倍加人參陰毒寒極也詳在傷
寒心法

涼膈散

涼膈火中神昏冒扼翹芥薄草消黃兼治一切胸膈熱
便燥譫妄與斑狂

註 火中之證即劉完素所云七情過極五志之火內
發則令人昏倒無知筋骨不用也

香薷飲

藿香正氣散

辰砂益元散

熨臍法

蒼朮白虎湯

人參白虎湯

暑中須分陰與陽陰邪無汗似寒傷壯熱心煩或嘔瀉
香薷扁朴二香湯更兼昏憤蒸蒸汗面垢喘渴證為陽
不省熨臍灌蒜水益元蒼參白虎湯

註

陰邪無汗似寒傷謂暑中陰邪似傷寒頭痛身痛
惡寒無汗而更壯熱心煩或嘔或瀉也得之於受
暑納涼寒外暑內宜香薷飲二香湯謂香薷飲合

藿香正氣飲詳在霍亂門若有如上之證更兼精
神昏憤蒸蒸自汗面垢喘渴則為暑中陽邪得之
於赤日長途中外皆熱初中昏憤不省者急以熱
物熨臍蒜汁合水灌之即省繼以辰砂益元散氣
實者蒼朮白虎湯氣虛者人參白虎湯選而用之
可也

滲濕湯

滲濕濕中內昏冒震亨濕熱熱生痰厚味醇酒生冷水

胃苓香附撫砂連

註濕中內謂濕從內生之病即朱震亨所云濕熱生痰昏冒之證得之於傷厚味醇酒生冷水物過節也
滲濕湯即胃苓湯加香附撫芎砂仁黃連

除濕湯

除濕陰雨濕蒸霧臥濕涉水瘴山嵐頭身重痛便溏腫
羌藁升柴防水煎

註除濕湯即羌活藁本升麻柴胡防風蒼朮治濕因

外中得之於天陰淫雨晴後濕蒸早辰霧露及久
臥濕地遠行涉水瘴氣山嵐其證頭身重痛甚而
昏冒大便溏瀉皮膚浮腫也

調氣平胃散

調氣平胃療惡中廟塚忤惡卒然昏面黑錯忘蘇合主
次以木香平胃勻

註蘇合主謂中惡之病以蘇合香丸為主也次以木

香平胃勻謂以中氣木香調氣散之方合平胃散

之藥調理也

傷風總括

傷風屬肺咳聲重鼻塞噴嚏涕流清鼻淵腦熱不噴嚏
濁涕穢久必鼻紅

註傷風屬肺故噴嚏也鼻淵屬腦故不噴嚏也傷風
寒邪故涕清也鼻淵熱邪故涕濁也鼻淵病久或
有穢氣則熱深故腦衄鼻血也

川芎茶調散

參蘇飲治虛傷風實者茶調及頭疼芎芷薄荷羌活細

荊防痰半熱膏清

註 參蘇飲方在咳嗽門治氣虛之人傷風之病若氣

實者用川芎茶調散即川芎白芷薄荷甘草羌活
茶葉細辛荊芥防風傷風頭痛者亦可用也有痰
者加半夏清痰有熱者加石膏清熱可也

蒼耳散

蒼耳散治鼻淵病風熱入腦瞑頭疼涕流不止鼻塞熱
蒼耳辛夷芷薄荷

註
鼻淵病屬風熱入腦故目瞋而頭疼涕流不止較
之傷風為甚焉鼻塞氣不利也熱鼻孔中熱也甚
者孔熱而痛及其腦也蒼耳散即蒼耳子炒去刺
研破一兩加辛夷三錢白芷薄荷各一錢葱三莖
也

黃連防風通聖散

鼻淵初病施蒼耳黃連防風久病方孔痛膽調冰礪散
鼻血犀角地黃湯

註

鼻淵風熱傷腦之病初病則風邪盛故用蒼耳散以散為主久病則熱鬱深故用防風通聖散加黃連以清為主也熱氣湧涕傷其鼻孔成瘡故痛也宜以豬膽汁調冰硼散敷之熱蘊於腦傷及所過榮血故衄也宜以犀角地黃湯涼之可也

痙病總括

痙病項強背反張有汗為柔無汗剛生產血多過汗後
潰瘡犬咬破風傷

註

痙病之證詳在傷寒心法有汗為柔痙無汗為剛
痙產後去血過多傷寒發汗過多則為內因潰瘍
破傷狗咬則為外因皆風邪乘虛入太陽經而成
此病也

痙病死證

瘰癧散多應死反張離席一掌亡眼小目瞪昏不語
額汗如珠命必傷

註反張離席一掌謂離席四五指許也眼小謂目眇
緊小也目瞪謂眼珠不轉也

葛根湯

桂枝加葛根湯

小續命湯

桂枝加附子湯

當歸補血湯

大承氣湯

桃仁承氣湯

剛瘕葛根湯發汗柔瘕桂枝加葛良若兼雜因小續命
過汗桂枝加附湯傷血桂枝合補血裏實瘀血承氣方
潰瘍十全加風藥破傷狗咬另叅詳

註

剛瘕用葛根湯即桂枝湯加麻黃葛根柔瘕用桂
枝加葛根湯即桂枝湯加葛根汗之雜因謂風寒

濕雜揉為病用小續命湯隨風寒濕輕重治之過汗表虛汗出不止因而成瘕用桂枝加附子湯即桂枝湯加附子也傷血謂產後金瘡大傷血後用桂枝湯合補血湯即當歸黃耆也裏實謂瘕病腹滿二便閉以大承氣湯及產後惡露不盡少腹鞭急以桃仁承氣湯下之潰瘍去膿血過多為風所襲者用十全大補湯加祛風之藥治之

破傷風

破傷亡血筋失養微傷風入火之端燥起白痂瘡不腫
濕流污水緊牙關

註
破傷去血過多筋失所養經絡空虛風邪乘之為
病即經曰風邪乘虛而入也為風虛邪宜桂枝湯
合當歸補血湯治之夫傷重出血過多而病風者
常也然時有微傷淺損去血甚少風邪乘之而病
者以其人素熱因風而然即劉完素曰熱甚風搏
併於經絡也為風火邪宜防風通聖散加蠅尾治

之凡此證不論虛實風毒內蘊不發於外瘡口周
圍燥起白痂瘡不甚腫濕流汚黑之水牙關微緊
不似尋常活動皆破傷風之先兆也

防風通聖散加蠅尾方

全蠍散

左龍丸

斑蝥大黃方

火盛通聖加蠅尾風盛全蠍左龍丸外因燒酒火礮法

犬風斑大酒同煎

註破傷火盛者多陽明證用防風通聖散加蠅尾治
之風盛者多太陽證用全蠍散即生蠍尾七枚研
末熱酒服之服後不解漸深入裏用左龍九即野
鴿糞江鰮殭蠶雄黃蜈蚣天麻硃砂巴豆霜為丸
也方詳在丹溪心法諸破傷風門內皆宜外用砂
燒酒壺兩箇盛多半壺燒酒先以一壺上火令滾
無聲傾酒即按在破傷瘡口拔出汚黑血水滿則

自落再其次壺仍按瘡口輪流提拔以盡為度其
風立愈犬咬風毒入腹成痙風者用斑蝥七枚以
糯米拌炒米黃去米為末生大黃末一錢合均黃
酒一盞煎至半盞空心溫服取下毒物弱者減半
服之可也

痺病總括

三痺之因風寒濕五痺筋骨鯁肌皮風勝行痺寒痺痛濕勝着痺重難支皮麻肌木鯁色變筋攣骨重遇邪時復感於邪入藏府周同鯁痺不相移

註

三痺之因風寒濕三氣雜合而為病也其風邪勝者其痛流走故曰行痺寒邪勝者其痛甚苦故曰痛痺濕邪勝者其痛重着故曰着痺此為病之因而得名曰三痺也又有曰五痺者謂皮鯁肌筋骨

之痹也以秋時遇此邪為皮痹則皮雖麻尚微覺
痛癢也以夏時遇此邪為脈痹則脈中血不流行
而色變也以長夏時遇此邪為肌痹則肌頑木不
知痛癢也以春時遇此邪為筋痹則筋攣節痛屈
而不伸也以冬時遇此邪為骨痹則骨重痠疼不
能舉也曰入藏府者謂內舍五藏之痹也以皮痹
不已復感於邪內舍於肺成肺痹也脈痹不已復
感於邪內舍於心成心痹也肌痹不已復感於邪

內舍於脾成脾痺也筋痺不已復感於邪內舍於肝成肝痺也骨痺不已復感於邪內舍於腎成腎痺也此皆以病遇邪之時及受病之處而得名曰五痺也所謂邪者重感於風寒濕之氣也周痺亦在血脈之中隨脈上下為病故同脈痺但患有定處不似脈痺左右相移也近世曰痛風曰流火曰歷節風皆行痺之俗名也

周痺

周痺患定無歇止左右不移上下行似風偏廢隻足手
口眼無斜有痛疼

註

周痺或痛或腫或手或足患有定處痛無歇止或
從上病及於下或從下病及於上而不似衆痺癢
有歇止左右相移流走也周痺或兩手或兩足或
隻手足或偏廢不仁不用而似中風但不口眼喎
斜身有痛疼也

痺病生死證

痺在筋骨痛難已留連皮脈易為功痺久入藏中虛死
藏實不受復還生

註
痺在筋骨則受邪深故痛久難已痺在皮脈則受
邪淺故易治也凡痺病日久內傳所合之藏則為
五藏之痺若其人中虛受邪則難治多死其人藏
實而不受邪復還於外則易治多生假如久病皮
痺復感於邪當內傳肺而為肺痺若無胸滿而煩
喘咳之證則是藏實不受邪餘藏倣此

痺入藏府證

肺痺煩滿喘咳嗽腎脹尻踵脊代頭脾嘔痞鞭肢懈憊
心煩悸噫恐時休數飲臥驚肝太息飲秘脹瀉在腸完
胞秘沃痛鼻清涕三焦胃附膽無憂

註
久病皮痺復感於邪見胸滿而煩喘咳之證是邪
內傳於肺則為肺痺也久病骨痺復感於邪而見
腹脹尻以代踵足攣不伸脊以代頭偃僂不直之
證是邪內傳於腎則為腎痺也久病肌痺復感於

邪而見嘔涎心下痞鞭四肢懈墮之證是邪內傳
於脾則為脾痹也久病脈痹復感於邪而見心煩
心悸噎乾噫氣有時則恐之證是邪內傳於心則
為心痹也久病筋痹復感於邪而見喜飲小便數
多夜臥則驚太息之證是邪內傳於肝則為肝痹
也久痹不已復感於邪藏實不受而傳府者凡見
喜飲小便秘不脹則瀉不瀉則脹之證是邪內傳
於大小腸則為腸痹也凡見少腹胞中按如沃湯

狀而痛小便秘澁鼻流清涕之證是邪內傳於膀胱則為胞痹也三焦之痹附於膀胱從水道也胃痹附於大小二腸從傳化也膽為清淨之府不受痹邪故曰無憂也

小續命湯

增味五痹湯

痹虛加減小續命痹實增味五痹湯麻桂紅花芷葛附虎羊耆草二防羌

註

痺虛謂氣虛之人病諸痺也宜用加減小續命湯
風勝行痺倍防風寒勝痛痺倍附子濕勝著痺倍
防已皮痺加黃耆或桂枝皮皴痺加薑黃或加紅
花肌痺加葛根或加白芷筋痺加羚羊角或加續
斷骨痺加虎骨或加狗脊有汗減麻黃便溼減防
已寒勝減黃芩加乾薑熱勝減附子加石膏加減
治之痺實謂氣血實之人病諸痺也宜用增味五
痺湯即麻黃桂枝紅花白芷葛根附子虎骨羚羊

角黃耆甘草防風防已羌活也行痹以羌活防風
為主痛痹以麻黃附子為主著痹以防已羌活為
主皮痹以黃耆桂枝皮為主蠃痹以紅花桂枝為
主肌痹以葛根白芷為主筋痹以羚羊角為主骨
痹以虎骨為主增味於五痹治之可也

木通湯

附子五苓散

蒼朮五苓散

三痺木通長流水濕加防已風羌防寒痺附麻分汗入胞腸五苓附子蒼

註三痺謂行痺痛痺着痺也宜用木通一味不見水者二兩以長流水二碗煎一碗熱服取微汗不愈再服以愈為度若其痛上下左右流走相移者加羌活防風以祛風邪其痛苦甚者有汗加附子無汗加麻黃以去寒邪其痛重著難移者加防已以勝濕邪其所應加之藥不可過三錢弱者俱減半

服肥痹宜用五苓散加附子腸痹宜五苓散加蒼
朮以利寒飲也五苓散方在傷寒門

三痹湯

獨活寄生湯

三痹十全無白朮牛秦續杜細獨防獨活加桑除耆續
入藏乘虛久痹方

註

三痹謂三痹湯即十全大補湯無白朮加牛膝秦
朮續斷杜仲細辛獨活防風也獨活謂獨活寄生

湯依三痺湯方加桑寄生除去黃耆續斷也此皆治五痺不已乘虛入藏及留連日久調理痺病之方也

黃耆益氣湯

黃耆益氣虛皮痺皮麻不知癢與疼補中益氣加紅藥味秋芩夏桂加冬

註氣實麻木用小續命湯加麻黃治之氣虛麻木用

黃耆益氣湯即補中益氣湯加紅花黃藥也秋加

五味子夏加黃芩冬加桂枝皮

蠲痺湯

加味升陽散火湯

蠲痺冷痺身寒厥附歸耆草桂羌防肌熱如火名熱痺
羚羊升陽散火湯

註

蠲痺湯即附子當歸黃耆炙草官桂羌活防風治
痺病而身寒無熱四肢厥冷名曰冷痺也加味升
陽散火湯即內傷門升陽散火湯加羚羊角犀角

治痺病而肌熱如火名曰熱痺也

痿病總論

五痿皆因肺熱生陽明無病不能成肺熱葉焦皮毛痺發為痿躄不能行心熱脈痿脛節縱腎骨腰脊不能興肝筋拘攣失所養脾肉不仁燥渴頻

註五痿心肝脾肺腎之痿也痿屬燥病故皆因肺熱而生也陽明者五藏六府之海主潤宗筋陽明無病則宗筋潤能束骨而利機關雖有肺熱不能成痿也肺熱葉焦陽明虛弱津液不化筋骨失養皮

毛痺痿發為痿臂不能行也因而心氣熱為痿痿則脛節縱而不任地肺兼心病也因而腎氣熱為骨痿則腰脊不能興舉肺兼腎病也因而肝氣熱為筋痿則筋失所養拘攣不伸肺兼肝病也因而脾氣熱為肉痿則胃燥而渴肌肉不仁肺兼脾病也

痿痺辨似

痿病足分痺病身仍在不疼痛裏分但觀治痿無風藥

始曉虛實別有因

註痿痺之證今人多為一病以其相類也然痿病兩足痿軟不痛痺病通身肢節疼痛但觀古人治痿皆不用風藥則可知痿多虛痺多實而所因有別也

痿病治法

痿燥因何治濕熱遵經獨取治陽明陽明無故惟病肺胃壯能食審證攻控涎小胃濕痰熱陽明積熱法三承

胃弱食少先養胃久虛按證始收功

註痿屬燥病因何而用治濕熱苦燥之藥蓋遵內經

之治法獨取於陽明胃也故胃家無病雖有肺熱
惟病肺而不病痿也是知病痿者胃家必有故也
或濕熱或積熱或濕痰不論新久若胃壯能食當
先審證攻之胃有濕痰用控涎丹攻之有濕熱者
用小胃丹攻之有積熱者用三承氣湯攻之此治
胃壯能食之法也若胃弱飲食減少氣血津液不

足當先以補養脾胃為主其有久病留連諸虛燥熱或攻下之後調理當審證治之始收全功也

加味二妙湯

加味二妙濕熱痿兩足痿軟熱難當防已當歸川草解黃蘗龜板膝秦蒼

註熱難當謂兩足熱難當也膝秦蒼謂牛膝秦朮也

清燥湯

虎潛丸

十全大補湯

加味金剛丸

時令濕熱清燥効陰虛濕熱虎潛靈久虛痿軟全金主
草瓜牛菟杜茯苓

註清燥湯在內傷門虎潛丸有成方全金主謂十全

大補湯加味金剛丸久病氣血虛以十全大補湯
為主筋骨痿軟以加味金剛丸為主加味金剛丸

即草薢木瓜牛膝菟絲子杜仲肉蓯蓉也

脚氣總括

脚氣風寒濕熱病往來寒熱狀傷寒腿脚痛腫熱為火不腫不熱是寒乾

註

脚氣乃內有濕熱外感風寒相合為病故往來寒熱狀類傷寒兩脚腿痛腫熱如火者是火盛也不腫不熱而痛者是寒盛也名曰乾脚氣

脚氣死證

脚氣脈急少腹頑不三五日入心間嘔吐喘滿目額黑

恍惚譫妄命難全

註
脚氣脈急少腹頑木不知痛癢不過三五日內其
邪必入心間若入心間嘔吐喘滿是為脚氣衝心
之證目額皆黑恍惚譫妄則是水來尅火之徵故
曰命難全也

攢風散

羌活導滯湯

勝濕餅子

五積散

獨活寄生湯

脚氣表解攢風散麻桂杏草萆烏良裏解導滯羌獨活
防己當歸枳大黃濕盛重腫勝濕餅二丑蕎麴遂成方
寒濕五積加附子寒虛獨活寄生湯

註初病脚氣表實無汗用攢風散汗之即麻黃桂枝

杏仁甘草萆薢炮川烏也裏實熱盛二便不利用
羌活導滯湯下之即羌活獨活防己當歸枳實大

黃也濕盛重腫用勝濕餅子即黑丑白丑頭末甘
遂末各五錢蕎麥麴一兩五錢水和作餅三錢煮
熟空心茶清服逐之寒濕者用五積散加附子治
之方在傷寒門寒虛者用獨活寄生湯補之方在
痺門

當歸拈痛湯

當歸拈痛虛濕熱茵陳四苓與羌防人參當歸升苓草
苦參知母葛根蒼

註濕熱脚氣而形氣虛者宜用當歸拈痛湯即茵陳
白朮茯苓豬苓澤瀉羌活防己人參當歸升麻黃
芩甘草苦參知母葛根蒼朮也

加味蒼朮散

加味蒼朮實濕熱二活二朮生地黃知藥芍歸牛膝草
木通防己木瓜榔

註濕熱脚氣而形質實者宜用加味蒼朮散即羌活
獨活蒼朮白朮生地黃知母黃藥赤芍當歸牛膝


甘草木通防己木瓜櫛櫛也

大防風湯

兩膝腫大而疼痛髀脛枯細鶴膝風大防風附羌牛杜
十全大補減茯苓

註 兩膝腫大疼痛膝上至髀膝下脛足枯細但存皮
骨兩膝狀若鶴膝故名鶴膝風也宜大防風湯即
防風附子羌活牛膝杜仲人參白朮炙草當歸川
芎白芍熟地炙耆肉桂也此病若得之於痢疾病

後者名曰痢風亦用此方



御纂醫宗金鑑卷三十九